



幼幼新書卷第四

形初保育

凡二十二

後學古吳陳履端于始輯

茂苑楊大潤濟卿較

小兒胎教第一

聖濟扶真翼正章曰泥在鈞金在鎔陶冶所成子在
母胎豈無待而然耶故示以賢人君子使知好德示
以禮法度數使知制心揚以聲音之和若琴瑟鐘鼓
欲厭足于耳作以剛毅之氣若犀象軍旅欲感動於
目觀圭璧珠玉取陰陽之至精誦詩書箴誠取言語

之至正以至調心神和情性或喜怒節嗜欲皆因物
隨感有益于得者也若人有殘廢物有醜惡鳥獸之
毒怪者欲其勿見形不全割不正味異常者欲其勿
食是又防閑忌慎無所不至在胎如此生則明智忠
厚端莊好德美好壽考矣昔太任之妊文王也以此
哉

小兒初生將護法第二

聖濟保衛鞠育章曰五行孕秀春夏秋冬之異宜五
形有殊相也陰陽委和筋骨氣血之不同五態有殊

氣也夫始生而蒙冲和均稟五行陰陽形態潛異蓋
母氣胎育有盛衰虛實子有剛柔勇怯之異是以嬰
兒初舉汗穢欲其蕩滌不足欲其輔翼冲和欲其保
全如惡血拭以綿指吞在胃膈吐以甘草入在腹中
利以黃連皆以革汗也啼聲不發呵臍以溫之甚者
灸熯以攻之皆以助不足也衛顛顛之天杜風池之
邪浴以通血脉哺以助穀神皆以養冲和也三者保
子之常法然吐利有輕重灸熯有多寡或先吐利使
汗穢畢除或先灸熯使疾痰不作然後負氣自育其

緩急先後之序隨時變通之也若執小兒氣盛不知陽中有陰而專于吐利執河北閩中地寒不知南北之異而專于灸熇或謂嬰孺之病無承據不知榮衛血氣與生皆全或兒脉多端与老壯殊不知藏府呼吸有形皆同必察剛柔勇怯視其汗穢無憚于吐利視其虛弱無憚于灸熇審五形適以寒溫之宜審五態導以陰陽之平病之輕重緩急隨證治之不蔽于難治脉之長短遲速因形別之不拘于至數慈幼之道其庶乎

巢氏兒始生肌膚未成衣煖筋骨緩弱不見風日肌膚脆軟便易損傷故絮著衣莫用新綿天暖無風抱兒日中嬉戲數見風日則血凝氣剝肌肉硬密堪耐風寒不致疾病不然如陰地草木軟脆不任風寒薄衣之法從秋習之以漸稍寒則必能耐不可春夏卒減否則令中風寒冬月著兩薄襦一複裳又當消息勿令出汗恐致虛損便受風寒晝夜寤寐皆當慎之其飲乳食哺不無痰癖若微不進便當將護甚則下之如此不致寒熱也又兒始生氣盛無有虛勞微恙

外台新書 卷四
須下病愈調益若不時下疾甚難治冬月下之難將
護然有疾不可不下夏月下後腹當小脹節哺數日
又哺須多少有常劑兒稍大食哺當稍增若減少是
腹中有小不調便當微藥勿復哺止乳之甚者十許
日輕者五六日自當如常若不肖哺而但飲乳是癖
為疾不可不下否則寒熱或吐而發癇或致下痢則
難治治其輕時兒不損而病速除矣兒少病癇者母
懷妊時勞役運動骨血則氣強胎養盛故也兒背須
着帽項衣取燥菊花為枕乳兒三時摸兒項風池慎

護之若壯熱熨使微汗不差便灸風池及背第三椎
第五椎第七椎第九椎兩邊各二壯一歲七壯兒大
者以意增可至三十壯唯風池特多十歲以上可百
壯穴在頸項筋兩轅邊針灸傷經絡聖惠立夏後吐
慎安針灸

下動藏府微疾慎之當以除熱湯浴之除熱散粉之
除熱赤膏摩之臍中膏塗之令兒在涼處勿禁水漿
常以新水洗河洛間地寒兒喜病瘞浴兒三日喜灸
以妨之又灸頰以防噤噤者舌下脉急牙車解急決
舌下去血灸頰以治噤江南地温無此疾今不詳南

北按方用針灸多害是以田舍兒任自然無此夭又
春夏決定不得下兒藏府氣弱易虛易實下則下焦
虛益上焦生熱熱則生痰痰則成病非當病不可下

也 諸家皆以
此為宗本

千金論生男宜用父故衣裹之女則用母衣勿用新
帛及過厚令兒傷皮膚害血脉發雜瘡而黃

聖惠論兒一暮內不得以綿蓋頭面冬可袂衣蓋頭
夏宜單皆不得着面及乳母口鼻吹兒顙新綿及厚
令兒壯熱或發癩

兒匍匐以後逢物即喫春夏必飲滯水冷物秋初疾
作多啼不食或好伏地面色青黃或時腹痛多啼或
睡中驚啼或大便秘澀秋風吹著背心脚心便成瘡
痢與冷藥傷滑不禁與澀藥氣壅不行傷損藏府益
令不食遂使虛熱上衝面黃髮焦滯惡于內手足如
火自然風水溢橫四肢便腫如此將養十無一生
張渙論兒生兩月目瞳子成能笑識人不得令生人
抱及見非常之物百晬任脉成能反覆當節喜怒適
寒溫半晬尻骨成當教學坐二百日外掌骨成當教

匍匐三百日臙骨成當教獨立周晬膝骨成當教行
 步世人不能如法徃徃抱兒過時損傷筋骨慎之
 萬全論田婦護兒絕無他疾辟之草木生于深山大
 澤容易合抱至于異果奇材縱加培養間有不秀實
 者豈貴賤異哉兒數見風日即血凝氣剛肌肉硬密
 堪耐風寒以田舍兒較之相似

盧顛兒初生日与平和飲子指迷兒生三日後与母服

人參

茯苓

甘草

升麻各一分

水一盞煎一合半時時與之乳母忌油膩滿月及

百晬加時冷加白朮熱加硝各半錢

仙傳方降真香兒帶之能辟邪惡

別說柳絮與兒卧佳以性涼也

本草白油麻與乳母食子永不病若久熱作飲汁服

停父者發霍亂客食抽人肌肉

千金灸法生兒七日至週年灸不過七壯炷如雀屎

大

擇乳母法第三下乳吹

千金論血氣為乳汁也五情善惡悉是血氣所生母

乳兒須慎喜怒且乳母形色所宜其候甚多不可求
備但取不胡臭瘦瘦氣嗽癩疥癰癢白禿癰瘍潘唇
耳聾聾鼻等疾便可飲兒

千金治乳無汁方一方有桂心

石鍾乳四兩 漏蘆三兩 菰藪根一用實 通草各五兩

甘草二兩炙一方不用

呔咀水一斗煮三升分三服

又方

猪蹄二枚熬炙搥碎 通草八兩細切

清酒一斗浸之稍稍飲盡不出更作一方以水一斗煮取四升

入酒四升更煮飲

千金翼鯽魚湯方

鯽魚長七寸 猪肪半斤 漏蘆 鍾乳各二兩

呔咀猪肪魚不須洗清酒一斗二升煮魚熟藥成
去滓渣寒温分五服即乳下飲相去須臾令藥力
相及

鼠肉臞方

鼠肉五兩 羊肉六兩 麋肉半斤

三味作臙勿令疾者知

張氏黃金散治婦人一切妳疾中年胃虛血衰所致少年因產後卧失將息喜怒食物所致或因兒食乳吹啞而成未破曰癰既破曰漏

陳皮黃明者新瓦上磨去白水洗淨瀝乾切細麥麩拌和入銚內文武火炒候香熟黃色攤地上出火毒去麩為細末入麝少許薄紙裹帖男子懷中一復時童男尤佳無灰酒調下二錢或三錢睡良久再服燥痒生癢疹便散破者合極患者不過三

服

乳兒法第四

顛顛經夏熱時乳母沐浴冷水妳得冷氣血脈皆伏便與兒乳使多胃毒及赤白痢凡浴後定息良久候氣定熟揉與之無患

千金論乳兒太飽則嘔吐以空乳乳之即消旧四乳兒臍未愈太飽令臍中風夏不去熱乳令兒嘔逆冬不去寒乳令兒效痢母新房乳兒令兒羸瘦交脛不能行母有熱乳兒令變黃不能食母怒乳兒令喜驚

發氣疝又上氣顛狂母新吐下乳兒令虛羸母醉乳
兒令身熱腹滿凡乳兒先按散熱氣勿令汁奔出令
兒噎輒奪其乳食得息息已復乳如是十返五返視
飢飽節度知一日幾乳而足以為常又常捉去宿乳
兒卧以辟枕之令乳与頭平兒不噎母欲寐奪其乳
恐填口鼻不知飢飽

聖惠論乳母不禁忌子百病並生是以春夏衝熱哺
兒發熱疳并嘔逆秋冬以冷乳哺令腹脹羸瘦嗔怒
哺子患狂邪醉後哺子患驚癇天釣急風等病有孕

哺患胎黃及春疳有疾哺患顛癇風病吐後哺嘔逆
羸瘦傷飽哺多熱喘急

乳母雜忌慎法第五

聖濟乳哺襁褓章曰人之初生胃氣未固膚革未成
乳飲易傷風邪易入乳哺欲其有節襁褓欲其有宜
則達其飢飽察其強弱適其襁褓循其寒燠者蓋必
有道論乳者夏熱冬寒怒醉吐下及新房皆致病也
論襁褓舊帛故絮資父母之餘氣以致養重衣幃帳
皆致病也論哺以賴穀氣三日用飲過此用哺多寬

以日為則如是五歲得養而胃氣壯矣論襁褓去寒
就溫天和無風之時攜抱嬉戲日中如是血凝氣剛
骨骼成就矣聖人論飲食有節起居有常矧嬰兒其
可忽諸

聖惠論乳母食諸豆及醬熱麵韭蒜蘿蔔等可食宿
煮羊肉鹿肉野雞鴈魚鯽魚葱薤蔓菁蒿苣菠薐青
麥蒼蓬冬瓜等若兒患疳不得食羊肉及魚油膩手
襁褓及抱兒不得以火炙襁褓熱時便與兒著令染
熱病冬尤戒大寒以火炙衣被且拋土上良久熟按

之令冷煖得所即與初之如乳母有夫倘新過犯氣
息未定即乳必能殺兒未滿月驅使人不得令有所
犯到于兒前惡氣觸兒得疾難療

哺兒法第六

肘後兒新生三日應開腹助穀神碎米濃作飲如酪
與兒大豆許數令嚙之頻與三豆許三七日可哺慎
不得次與雜藥紅雪少少得也

千金云兒哺早不勝穀氣令頭面體生瘡愈而復發
又疳弱難養三十日後雖哺勿多不嗜食強與之不

消復生病哺乳不進腹有痰癖四物紫丸微下之見方

變蒸節哺數日自愈

寶鑑云兒五十日可哺如棗核百日彈丸早晚二哺莫抱檐下澡浴當風解衣哭未斷而乳胃冷而哺又不可在神佛驢馬畔各房異戶之親諸色物器並不觸犯之害子性為驚癇經云三歲未滿勿食雞肉子腹生虫

錢乙云兒多因愛惜過當三兩歲猶未飲食致脾胃虛弱平生多病半年後宜煎陳米稀粥粥面時時與

之十月後漸與稠粥爛飲以助中氣自然易養少病惟忌生冷油膩甜物等

初哺日第七

外臺初哺良日

平定成日吉哺不得令鹹

寅丑辰巳酉日良

男戌巳日女丙丁日俱不得哺

嬰孺

壬寅壬辰酉日吉

浴兒法第八

千金論浴兒湯極須冷熱調和不然令兒驚亦致五
藏疾冬浴久則傷寒夏浴久則傷熱數浴背冷則發
癩不浴令兒毛落新生浴兒者以猪膽投湯中終身
不患瘡疥勿以雜水兒生三日用桃李梅各三兩枝
咬咀之水三斗煮三十沸去滓浴兒去不祥終身無
瘡疥治驚辟惡氣以洛金一斤虎頭骨一枚水三斗
煮湯須浴時煮

外臺虎頭骨湯主辟惡氣令兒不驚不患諸瘡

虎頭骨

五大兩如無骨亦得碎

白芷

三兩嬰孺五兩

苦參

四兩

切水一斗煮湯內猪膽汁適寒温

簡要方

益母草一大把剉水一斗煮十沸浴且不生瘡疥

益母克尉苗

紀用經浴法

三日五日七日浴

寅卯酉日吉壬午丁未癸巳凶不能上三日勿犯

下三日

聖惠方

白芷

二兩

苦參

三兩

剉水一斗煮七分去滓加鹽漿水浴了以粉摩之

不畏風且散風

寶鑑浴湯用猪膽瘡疥不生用金銀虎頭骨麝丹砂

辟惡氣客忤驚癇用桃楮梅根葉解體熱温壯之

病

退風湯

猪膽

苦參

防己

黃連

甘草

白及

藁本

杉

栢

楓葉

莊氏五根湯

栢柳棟桑槐用根剉枝亦得加豉為湯浴仍以光

粉鮮粉撲身辟邪吉

拭兒口法第九

千金曰兒初生以綿裹指拭口舌上青泥惡血謂之

玉衡若啼聲一發即入腹成百病翼云成痞病死

聖惠論兒乳後以髮纏指沾清水點拭看齒根有黃

筋兩條以筆刀割斷點猪乳差如兒口難開先點猪

乳
集驗云兒初生日以井華水或溫水將怕畏指蘸拭
兒口因而捺舌及兩頰令稍寬舒不生口噤積熱風
疾等拭畢用少研細入麝乾坏子烟脂塗口中令兒
美乳食

兒上下唇與齒齦連處皆有一筋牽引若上唇筋緊
即生上煉下唇筋緊即生下煉上煉生瘡滿頭或眉
間如癬狀瘙痒不已復流黃汁至處生瘡下煉起腰
背漸至四肢患亦如上若疾甚不治或頭面上下相

通累年不輕又咬折或成大病是唯每日早晨拭口
佳

斷臍法第十

千金云臍不得以刀割隔單衣咬斷以煖氣呵七遍
即纏結所留帶致兒足趺上短則中寒腹中不調下
痢先斷臍後浴臍中水發腹痛斷訖連臍帶中多有
蟲急剔撥去不爾入臍成疾臍當長六寸長則傷肌
短則傷臟不以時斷及按汁不盡暖氣漸微即生寒
令兒臍風

寶鑑論斷臍若用剪刀先于懷中令暖又水入臍多天鈞痛苦啼叫面青黑臍傷動令久不乾傷外風即口噤不可救

莊氏烙臍丸

豆豉

黃蠟

各一兩

麝

少許

同擣爛熱捻餅子斷臍訖安臍上灸三壯炷如小麥不啼灸至五七壯封臍散封之不得濕恐腫

灸臍法第十一

聖惠云兒生一宿抱近明無風處看臍上有赤脉直

上者即于脉盡頭灸三壯赤散無患矣

王時發傳兒初生斷臍時于所留臍帶上當灸處灸

大艾炷三十餘壯令兒強盛

裹臍法第十二

附封臍

千金論治白練令柔軟方四寸新綿厚半寸與帛等

合之裹臍調其緩急急則吐覘二十日乃解若十許

日怒啼必衣中有刺或臍燥刺腹當更裹臍冬時須

閉戶下帳然火令溫暖換衣亦然仍以温粉粉之若

過月臍有汁燒蝦蟇灰粉之日三四度若臍中水中

冷腹絞痛天糾啼呼面目青黑當灸粉絮熨之失護
至腫重者灸可至八九十壯不大腫但出汁時時啼
呼擣當歸末和胡粉傳之灸絮日熨之至百日愈以
啼呼為候若兒糞青者冷也與臍中水同
張煥斷臍後著熟艾厚裹愛護不慎浴水入臍或尿
在初袍濕氣傷臍或解脫風冷所乘令兒臍腫多啼
不乳即成風臍急用裹臍法風臍散

當歸焙乾半兩

天漿子微炒三兩

亂髮一錢燒存性

擣羅傳臍中時時用

又方燒絳帛末粉之

莊氏封臍散劉氏多麝香無

雄鼠糞七枚兩頭尖者是

乾薑棗許大

緋帛半

甌帶雞子大以

胡粉燒黃三錢

和研細看臍欲落不落取藥封臍差不患腫濕燒
藥勿令灰入

甘草法第十三

肘後方兒新產取甘草如中指節炙碎水二合煮一
合纏綿點口中一蜺殼便吐胃中惡汁智慧無病待

飢渴更與兩服吐止須盡一合

黃連法第十四

集驗方初生兒惡汁留胃膈壅塞易生蘊熱驚癇瘡癩用好肥黃連數塊槌碎綿裹如妳頭狀湯內浸成黃汁拈擦一二點兒口中惡汁自下乳食便美未盡用空綿別浸黃連後以朱蜜間與之

韭汁法第十五

本草云兒初生與韭根汁灌之即吐出惡水聖惠甘草後暖水浸韭子汁塗兒唇上乾又塗數次

止不令入口

朱蜜法第十六

肘後方吐惡汁後鍊真朱砂如大豆以蜜一蜺殼和日與一豆三日止主鎮心神安竟魄

千金云與蜜多令兒脾胃冷腹脹喜陰癇氣急變噤瘵而死

牛黃法第十七

千金方朱蜜竟與牛黃不獨益肝膽除熱定精神止驚辟惡氣又除百病

張煥法

真牛黃一塊好蜜鍊熟成膏每服一豆大乳汁化時滴口中形色不實不宜多若胎熱體黃宜多服之

永粉法第十八

張渙兒面紅潤色赤啼聲響快者用永粉半錢旋旋吮之良久有臍糞下佳

寶鑑銀粉抹口舌上下左右兩頰然後飼朱蜜

猪乳法第十九

聖惠兒滿月內時取猪乳滂口中佳

猪兒飲母次便提後脚離乳急捋之即得

藏衣法第二十

崔氏兒衣清水洗勿令沙土草汗又清酒洗之仍內

錢一文在衣中盛新瓶內青綿裹瓶口密蓋置便宜

處三日後依月吉地向陽高燥處入地三尺埋之瓶

上土厚一尺七寸須牢築令兒長壽智慧若不謹為

猪狗食令顛狂虫蟻食令病惡瘡犬鳥食令兵死近

社廟令見鬼近深水湊池令溺死近故竈令驚惕近

井旁令靜盲棄道路街巷令絕嗣當門戶令聲不出
耳靜著水流下令青盲弃火裏令生爛瘡著林木頭
令自絞死此忌須慎

天德月空法

正月天德在丁月空在丙壬

二月天德在坤月空在甲庚

三月天德在壬月空在丙壬

四月天德在辛月空在甲庚

五月天德在乾月空在丙壬

六月天德在甲月空在甲庚

七月天德在癸月空在丙壬

八月天德在艮月空在甲庚

九月天德在丙月空在丙壬

十月天德在乙月空在甲庚

十一月天德在巽月空在丙壬

十二月天德在庚月空在甲庚

天德月空處埋之若遇反支宜挂宅外福德上向
陽高燥處待過月然後依法埋藏吉

忌甲辰乙巳丙午丁未戊申甲寅旬中不得藏埋

甲乙日生丙丁日藏丙丁日生戊巳日藏戊巳日生

庚辛日藏庚辛日生壬癸日藏吉

子母秘錄用罐盛兒衣清水清酒洗竟入大豆小豆

各一合次城門土市門土獄門土葱園土韭園土各

一合重重復之上用五色帛各一尺五寸重重繫罐

口上用鐵一尺二寸先將淨墨塗遍次以朱砂書云

大豆某胡去無辜小豆歷歷去子癘城門土見公卿

市門土足人行獄門土辟盜兵葱韭園土剪復生與

兒青令兒壽命得長生與兒赤令兒身命皆清吉與

兒白令兒壽祿皆千百與兒阜令兒長壽不衰老與

兒黃令兒清淨去百殃急急如律令此鐵券置罐上

埋法同前

神效初頭法第二十一

崔氏初剃頭

寅丑日吉丁未日凶

集驗方京畿初剃頭不擇日胎髮穢惡多觸神竈小

兒不安候滿月產婦與兒俱出房剃頭必于溫暖處

公公集言 卷四 十一
剝後以生油杏仁膩粉頭上捺之以辟風邪其後亦
宜此方京雜錄神效不詳日訊吳蘇要方論神效小

崔氏法 禳謝法第二十二

崔氏法

軒轅者軋神天丞相使者風伯犯之驚吐取梨枝
六寸埋生處吉

雷公者震神太陰使者天馬犯之煩悶腹滿解之
以三屠家肉為餅于產處謝吉

咸池者坎神天之兩師使者犯之啼不止用羊脯

酒于生處謝吉

豐隆者艮神天之東明使者天僕地害氣犯之乍
寒乍熱大腹以白魚二枚于生處謝又大豆一升
投井中吉

招搖者坤神天上使者犯之驚空嚼不止以酒餅
生處謝愈

天候者巽神天一執法使者犯之腹脹張眼白魚
二枚生處謝吉

吳時者離神天一將軍遊鯨使者犯之驚腹痛馬

公外集言 卷四 十一
脯五寸于生處謝吉又以白魚五枚并棗餅埋生
處吉

大時吉光神小時北斗使者犯之腹脹下痢解以
酒脯于生處謝又以大豆一升投井中吉

犯月殺者驚啼用丹雄雞血于生處謝吉

犯白帟者用稻米一升雞子三枚于生處謝吉黍
亦得

犯大夫者羊肝三枚稻米一升于生處謝用雞羝
羊脾黍米謝亦得

犯日遊者口噤色變欲死者三屠家肉麥飯于生
處謝吉

幼幼新書卷第四

頌枏堂梓

幼幼新書卷第五

初生患病

凡十七門

後學古吳陳履端于始輯

戴湖華宗澤

校

初生不作聲第一

千金論兒生不作聲暖水灌之

嬰孺用冷水

由難產氣少

也取兒臍向身却捋之令氣入腹仍呵之亦以葱白

徐鞭之若啼始生即舉遲則中寒腹內雷鳴須先浴

後斷臍

水鑑方

胎風生下不能啼須使園中小葉葵搗取汁調
熊膽末纔交入口免傾危

初生眼不開第二

惠眼兒生眼閉口開常呻吟因受胎熱用涼五藏藥

天竺黃散見重舌門及與母喫後以竹筒煎湯洗眼

洗眼方

黃連 秦皮 燈心 桑寄生 大棗等

竹筒煎湯洗

初生輒死第三

千金兒初生輒死視兒口中懸瘡上齧有胞者翼云赤胞
以指甲取頭令潰去血綿殺血淨血入咽殺兒慎之

初生不喫奶第四

巢氏看產人見兒出急以手料拭兒口無令惡血入
口則腹內調和無有疾病若入腹心腹痞滿短氣不
能飲乳又母取冷過度氣入胞兒著冷不甯飲乳為
胎寒亦名難乳

外臺方

乳兩合葱白一寸煎一兩沸去葱喫即乳

聖惠人參丸

人參

龍膽

黃連

馬牙硝

甘草

炙微赤

枳實

夫炒微黃各二兩

搗羅蜜丸如桐子乳汁研二丸灌口中日四五服

差

朱砂丸治三歲以下胃口閉不喫乳

朱砂

牛黃

麝

丁香

甘草

炙微赤

人參

各一兩

犀角

黃耆

石膏

細研水飛

五靈芝

各半兩

搗羅研勻蜜丸如菉豆熟水下三丸日四五服

治腹痛不肯飲方

赤茯苓

甘草

炙微赤

黃連

去鬚各一分

搗羅蜜丸梧子每丸研著妳頭令兒吮點口中亦

得

孔氏以乳汁研麝香一字服

灸法兒生二七日內不吮妳多啼者客風中臍循流

心脾灸承漿在下唇稜下宛宛中次灸頰車在耳下

頰骨後炷如雀屎各七壯此非灸不療

兒喉中嗚咽乳不利灸旋璣三壯在天突下一寸陷

者中灸氣發汗下通熱下交與中火灸發車五耳下

初生吐不止第五

錢乙論兒初生急須拭掠口中穢惡令淨啼聲一發

咽入喉故吐且多生百病

聖惠藿香散治兒生至半月嘔逆不止

藿香

紫苑

洗去苗土

甘草

炙赤

麥門冬

三分去心焙

桂心

半

為散每服一錢水一盞煎五分去滓溫綿點澆口

錢乙木瓜丸治初生吐不止

木瓜

木香

檳榔

麝

膩粉

各一字

研麵糊丸小黃米大每服一二丸甘草水下無時

初生不小便第六

不大便附

惠眼臍風撮口因母食雞猪酒麵薑醋之毒熱流胎

中兒因飲血生下肚臍腫治以豆豉膏貼臍

見本門

及服牛黃丸

見風熱門

臍四邊青黑口撮即死

外臺人乳葱白煎服小便神效方見不飲乳

豆豉膏

黑豆

田螺十九

葱一大

搗爛芭蕉汁調貼臍下

吉氏粉蜜膏兒生三五日歲府不通六十日內諸患

蜜少許熟水解開調輕粉一錢點兒口極少許令

瀉一二行不可再服

初生懸癰第七

此下三門可相通

千金論兒六七日後血氣收斂成肉舌喉頰清淨若
喉裏舌下有物如蘆穰盛水名懸癰以綿纏長針留

及處如粟米刺之令氣泄去青黃赤血即消未消來
日又刺三刺消盡餘小未消三刺亦止自然消舌下
名重舌頰裏及上齶名重齶齒齶名重齶皆刺去血
汁

初生重舌第八

巢氏心候于舌而主血脾絡脉又出舌下心火脾土
二歲子母也有熱即血氣俱盛其狀附舌下近舌根
形如舌而短名重舌
千金治法見懸癰門

患眼戴口重舌重齶口瘡皆上焦熱因受胎時大受

極熱急以雞內金為末乾搽口內及朱砂膏見驚熱門地

黃膏見本門輪流搽之仍服天竺黃散見本門

地黄膏

鬱金皂莢水煮乾切焙

豆粉各半兩

甘草一分

馬牙硝研一錢

生地黄汁蜂蜜對合熬成膏和藥每服兩皂子大

香熟水含化或戴翎掃口內

金朱飲治驚壯熱傷寒伏熱上焦虛熱重舌口鼻生

瘡致赤眼方本名天竺黃散

川鬱金剉皂莢水煮乾細看如胆壯佳

天竺黃

甘草炙

牙硝各半兩朱砂一分

蟬殼十四箇水洗土射香少許

為末每服半錢至一錢蜜湯調下

肘後治卒重舌方

燒蛇蛻為末唾和塗舌上差嬰孺醋調

千金方

田中蜂房燒灰酒和塗喉下愈

三家屠肉切如指摩舌上立能啼

竹瀝漬黃柏取細細點舌上

千金翼治重舌舌強不收乳

鹿角末如大豆許安舌上日三差

外臺錄驗

乳髮燒灰末傳舌上佳

姚和仲

馬牙硝塗舌下日三

聖惠治重舌口中生瘡涎出

白羊尿塗少許

桑根汁塗口中

一方煮汁令晚凡口內瘡俱佳

蒲黃散

蒲黃

露蜂房

微炙各一分

白魚

錢一

研勻少許酒調傳舌口中瘡上日三

張渙烏魚散

烏魚骨

一兩燒灰乾蟻娘

蒲黃

研各半兩

枯礬

一分

研粉半錢以雞子黃調塗嚙津無妨

千金灸行間壯隨年穴在足大指岐中

外臺重舌欲死灸右足踝三壯立愈左右並良

千金灸兩

嬰孺以兒置箕內東向門中灸箕舌三炷

千金論總前懸癰門

茅先生云心熱壅滯先用朱砂膏

見驚積門塗舌上後用

牛黃膏 見膈熱門

聖惠牛黃散 一方無前三味有玄明粉

牛黃 白龍腦 朱砂各一 鈎霜半

太陰玄精石 兩一

細研為散先于腫處以針鉞破出血鹽湯洗拭口後摻藥神效

初生口中有虫第十

外臺療兒喫妳不穩七日以來壯熱顏色赤鼻孔恐作撮口及牙關虫似蝸牛亦似黃頭白蚌螺竹瀝半合和少許牛黃服差又猪肉拭口即虫出

初生著噤第十一 附風噤

巢氏兒口內忽結聚生舌上如黍不能取

在胎熱入藏心偏受熱

聖惠初生兒須防三病一撮口二着噤三

病着噤尤甚過一臘方免牙關緊急喫乳不

漸小口吐涎沫茅有人見大小便通以為冷動

不知病在喉舌狀亦極重善救療者十不得三

將護法防于事先必無此患

千金治口噤赤者心噤白者肺噤

雞糞白棗大綿裹水一合煮二沸分再服聖惠用豆大三

枚水

又雀糞四枚末之着乳頭飲兒大十枚

外臺着噤病在咽如麻豆許令兒吐沫不乳

水銀如黍與服下咽便愈以意量之不過小麻子

許事急用

食療茶萸研汁灌口中死亦生生下濕莖端三葉花黃子赤似覆盆子

聖惠川椒一两搜麩裹三角肉樣燒黃熟以綿蓋兒

口搗去尖如筮頭使椒氣入口效未覺再作

東行牛口沫取塗口額上效

張渙立聖散

乾蝟稍七個

膩粉一錢

乾蜘蛛一個去口足先以竹漚浸知朱

一宿炙令焦取末

研極細服一字乳汁調時時澆口中

萬全方

兒乳後以髮纏指沾清水點拭着齒齦有黃筋兩條以筆刀割斷點豬乳便差口難開點豬乳

秘要

木梳先于懷內令煖却于耳門尖上掩一七次即

安

張氏

蜈蚣全一枚

蝟稍七箇

鵬砂

朱砂

各三銖

梅花腦

麝各一銖

研乳母唾調塗口唇四畔并牙關兒以舌攪藥即安一切急驚生薑蜜水調

附犯風噤方

茅先生兒生一百廿日內犯風噤病同因母受胎有

疾故受毒氣生來血氣未調又被風邪所擊致之治

法先與奪命散吐風涎見急慢驚門後下醒脾散一見胃氣不和

脾風門

夾勻氣散与服

見胃氣不和門

文下確朱散

見驚癩門

夾朱砂膏

見積驚門

常服即愈如手捉拳噤口不開死

初生驚口第十二

巢氏兒初生口裏白屑舌上生瘡如鵝之口故名由

在胎受穀氣盛心脾熱氣重發于口

千金論兒驚口劇者臯外

一作中

亦有之妊娠時嗜糯

米使之

茅先生論兒喉中壅一塊肉癰閉却為喉痺身大熱

舌硬不轉為木舌口開滿口黃如膏名驚口三候皆

熱甚生風風壅熱毒至此為實熱先用積實牛黃丸

見實熱門

微與通吐惡涎後用勻氣散

見胃氣不和門

然用天竺

黃散

見實熱門

夾牛黃膏

見膈熱門

與服愈如喉響似鋸及眼

視面青黑不妳食死候

肘後方

以髮纏筋沾井花水拭之三日便脫去不脫可煮

栗茨汁令濃以綿纏筋拭之如無栗茨栗木皮亦

得千金作栗茨

簡要用牙硝細研于舌上搽之日三五度

秘錄用桑白皮汁和胡粉傳之按新桑樹汁妙

用雞脰黃皮燒末乳和服

張渙保命散

朱砂水飛 白礬燒各一分 馬牙硝半兩

各研細再同研先以手指纏亂髮指舌上垢後取

白鵝糞以水攪汁調藥一字傳之

初生木舌第十三餘木舌附

聖惠脾脉絡于舌舌者心之候若藏府壅滯心脾積熱邪熱之氣随脉上衝舌本則腫漸漸粗大不早療

滿塞口中當塞殺兒為木舌兒尤多此疾

水鑑木舌要可待黃葵更入黃鈆兩相知黃點之七

遍立便可神方不做藥多期

玄參散一有甘草炙半兩

玄參 川升麻 川大黃剉微 犀角屑各三分

散每服三錢水一盞煎五分去滓不計時温服

馬牙硝丸

馬牙硝三分 川大黃剉微 太陰元精石鈆霜

麝 寒水石各半兩 甘草一分炙 白礬燒半

擣羅為末蜜丸如彈子常含一九嚥津

射干散

射干

川升麻

木通

藺藺子微炒

甘草炙微赤對

漏蘆各三分

川大黃對微炒

當歸

桂心各半兩

散之每服五錢水一大盞煎至五分去滓不時溫

服

又方

犀角

黃苓

木通對各兩半

漏蘆

川升麻

麥門冬去心

羚羊角屑各一兩

為散每服五錢水一大盞煎至五分去滓不時溫

服

養生必用

大青患魚膽

一枚入五銖錢一文線札定外用墨塗三次陰乾

少許冷水化開服

張渙川硝散聖惠無硝鹽

川朴硝兩半

紫雪一分

鹽半

研細每服半錢入竹瀝三兩點白湯調塗舌上嚥

津無妨

初生撮口第十四

聖惠兒初生肌肉未歛血凝成肌若血沮敗不成肌肉使面目繞臍口左右悉黃而啼閉目聚口撮面口中乾燥四肢不能伸縮宜与龍膽湯

面赤喘急啼聲不出是撮口此患尤甚由母胎中挾風熱生後氣血未調或洗浴當風初袍失度一臘內有此

飛仙論臍風撮口多是剪臍帶傷動賊風入臍撮口

不開下乳不得其候面青哭聲不出多撮唇口若吐出白沫四肢覺冷死

小兒宮氣方

白殭蚕二枚為末蜜和傅唇舌差

陳藏器方先剪兒口傷令見血碎雀窠取汁塗之產時若開諸物口不令閉多使兒患撮口

聖惠釣藤散

釣藤

川升麻

黃芩

各半

蟻螂

二枚

足微炒

為散每服一錢水一小盞入蘆根一分煎至四分
去滓徐徐溫餵

當兩乳中高下平以線量灸之三壯起死仍用後方

烏驢乳一兩東引槐枝十枚長三寸

燴火煨槐枝入火一半看不煨頭津出即取拭却

于乳中浸須臾便以槐枝點乳于口中大驗

又赤足蜈蚣一枚雀兒飲菟子下開口者五箇

燒為灰細研粥飲調下一字

漢東王先生定命散

赤脚蜈蚣半條酒炙令乾烏頭尖生三箇麝少許研

研極細每服一字煎金銀薄苛湯調下

張渙急風散

蛇蛻微炒乾蝟稍 釣藤各一分

搗羅為細末次用

朱砂一分水飛麝 牛黃各半錢研極細

都拌勻再研每服一字取竹瀝一兩點同乳汁調

下

初生中臍風第十五

聖惠論臍風者由斷臍後為水濕傷或尿初袍乳母
不覺濕氣傷臍亦因解脫風冷所乘令兒四肢不利
臍腫多啼不能乳哺不急療遂致危殆
茅先生兒生三臘有臍風候腹臍腫滿口撮身熱不
大乳哺因母受胎時恣情餐啜遂熱毒聚胞牙兒飲
母熱血五歲未成復受風邪而得治以朱砂膏見驚積門
蜜化妳上吮後用豆豉膏見本門塗臍四邊日六服朱
砂膏甚疾方愈臍四邊黑口撮此為內搐不治爪甲
黑當日死

千金有臍風臍濕臍瘡三者皆因斷臍後為風濕傷
而成夫風入臍四肢不利多啼不能乳為臍風腫濕
經久不乾為臍濕風濕相搏令臍生瘡久不差為臍
瘡有一不已入于經脉多變為癩癩成作癩治
聖惠兒初生七日封臍雄鼠散

雄鼠糞

七枚
微炒胡粉

大棗

三枚
去核

綿帛灰

麝

細研各
一錢

研為散臍欲落不落用藥傳不令風入

又方

鬮髮雞子大燒烟欲斷不斷即堪用

蜈蚣一寸許燒灰 麝小豆大

羚羊角燒灰 雀兒飲氣子

相和細研勻割臍了便傳效

茅先生貼臍風豆豉膏

豆豉 天南星 白欵 赤小豆

各半兩為末每服二大錢用芭蕉自然汁調塗臍

四邊日一次即安

良方視兒上下斷當口中白色如江豆大急以指爪

正中掐之自外達內掐令匝微血出不妨白處兩盡

頭亦掐內外氣脉斷不必破肉指爪勿令大銛恐傷兒甚驗

孔氏

金頭蜈蚣一枚 青州蝎稍四箇 白殭蚕七箇 瞿麥二字

為末吹臍內啼時可醫更用薄荷水服一字

初生臍濕第十六氣臍淹破臍附

聖惠兒斷臍後洗浴傷濕水入臍令腫經久不乾斷

臍多着熟艾厚裹不令尿濕着臍

嬰孺論兒尿清者冷與臍中水同兒腹疼糾呼面目

青黑當着臍腫輕重者灸八九十壯輕者不大腫
但出汗時啼者擣當歸胡粉末傅之仍炙粉絮日熨
啼止候

盧頰經治臍濕

白礬一錢

龍骨一錢

末入麝少許拭臍乾用怕風

外臺兒臍濕暖鹽豉熨方

鹽豉等分擣作餅如錢安新瓦上炙熱熨臍差止
亦用黃柏末粉之

絳帛灰傅臍中

聖惠封臍散

胡粉一分

雄鼠糞七枚

燒灰

甌帶一圍

燒灰

乾薑灰

綿帛灰

白石脂

各半

細研加麝一錢看臍欲落不落即封差末患傅終
不患燒藥時不令灰入

蝦蟆牡蠣各一枚燒灰細研少許傅臍中日三兩上

差

錢乙藥墨散

黃蘗

釜下墨

亂髮等分

為末傳少許

良方當歸焙乾為末研細著臍中頻用驗

莊氏氣臍大如栗虛腫而軟疼

竹瀝塗日數上消

兒臍濕淹破屋爛草為末頻搽效

聖惠臍腫灸腰後對臍骨節三壯炷如麥

初生臍瘡第十七

巢氏論見前臍風門千金論

肘後乾蝦蟇燒灰傳日三四佳

聖惠有枯礬

張渙金黃散治臍瘡久不差傳經絡變癩

川黃連

一分

胡粉

龍骨

燒灰各一錢

各另研復合研為細末傳臍中時時用

幼幼新書卷第六 稟受諸疾 凡十九門

後學古吳陳履端于始輯

金陵趙經校

解顱第一 已下四門通看

巢氏解顱者兒年大顱應合不合頭縫開解是也腎主骨髓腦為髓海腎氣不成則髓腦不足不能結成故頭顱開解

寶鑑客風傷腑即顱骨解顱大

萬全論兒有解顱顱不合顱陷三者大同小異解顱

者腎氣不成顛不合與陷雖因藏府熱氣上衝所致
亦本于腎氣不足
玉訣兒骨氣所傷候歌

解顛霍眇府傷風顛腫因驚胃氣攻語溢行遲
胎氣促筋拳瞪目是肝風
先行風氣利萑下涎次和藏府即無悞

千金熬蛇蛻皮末和猪頰車中髓傳頂日三四度
兒腦長解顛羸瘦色黃四五歲不能行半夏熨方

半夏湯洗七遍生薑各一升芎藭各一升細辛三兩

桂心尺一烏頭去皮臍十枚

吹咀醇苦酒五升漬之晬時煮三沸絞去滓以綿
一片浸藥中適寒溫熨顛上冷更溫復熨朝暮各

三四度嬰孺無薑

三物細辛傳方

細辛各半兩桂心各半兩乾薑炮十銖

末之乳汁和傳乾復傳面赤愈

聖惠治兒解顛顛大身有痼病熱頭汗出腹脹咳嗽
上氣肩息脛蹇足交三歲不行皆治之鍾乳丸

鍾乳粉

防風

熟地黄

牛黃

甘草

炙微黃

漆花

即五加皮

各一分為末更研勻犬腦髓和丸如麻子粥下三
丸早午晚各一服量兒加減

萬全磁石丸磁石易鍾乳乾膝易膝花
嬰孺狗腦丸同萬全少乾膝多白朮

嬰孺錮顛藥使腦不長

黃雌雞臨兒顛上刺其竅以血滲顛上血上以芍

藥粉傳之不見血一日差

狗腦丸治腦長喜搖頭解顛

狗腦

箇

村膝

皮五加

甘草

炙

白朮

防風

鍾乳石

乾地黄

各一分

牛黃

二分

狗腦丸小豆大一歲二丸日再未知加兒顛常暖

冷即病死

張渙玉乳丹

鍾乳粉

依法鍊

柏子仁

別研

乾熟地黄

當歸

洗各半兩

防風

補骨脂

淨揀微炒各一分

或加黃蓍茯苓除別研者碾細末次入鍾乳粉等
拌勻蜜丸如黍每服十粒乳前煎茴香湯下

丁時發肅骨丸

虎骨

敗龜板

不灰木

乳香

各半兩

為末生猪肉于手心內調塗以臈綿包裹第八日

慈湯水洗去前藥再塗經年者三日塗

又服參苓散

人參

茯苓

白附子

炮

羌活

甘草

芍藥

白朮

水煮各一分

犀角

京芎

藿香

後三味減一半

末每服半錢水一盞金銀薄苛三葉煎三分溫服

通驚氣

顛不合第二

聖惠顛不合氣血少弱骨木不榮由腎氣未成肝肺

壅熱上衝于腦遂令髮枯骨髓不足而顛不合

錢乙年大而顛不合腎氣不成長必少笑目白睛多

眦白色瘦者多愁少喜餘見腎虛

張渙解顛顛不合顛填顛陷由腎經虛熱封顛散

蛇蛻皮

一兩燒灰

防風

川大黃

濕紙裹煨存性

白及

各半兩

細末入青黛半兩研勻用半錢以獾猪膽汁調勻
紙攤四邊回各留少白紙用淡醋生麵糊貼顛上
不住以溫水潤一伏時換

莊氏方

山茵陳

一兩

車前子

百合

各半

末烏牛乳汁調塗脚及腦縫上帛裹頭三日一換

五上効

王氏封顛散顛開崎陷咳嗽鼻塞

柏子仁

防風

天南星

各四兩

為細末每一錢猪膽汁調勻稀稠得所攤緋帛上
隨顛大小貼一日一換時時湯潤

顛填第三

巢氏乳哺不時飢飽不節或熱或寒乘于脾胃致府
藏不調其氣上衝其狀顛張如物填其上汗出髮黃
而短是也若寒氣上衝即牢鞞音昂 鞞頭也 腫熱氣
上衝即柔軟又脇下有積氣滿體熱熱氣乘藏藏氣
上衝于腦亦致顛填又効且啼氣乘藏上衝亦病之
啼甚久氣未定而乳亦顛填所以然者方啼陰陽氣

逆上衝故也

石僻經三十六種積熱顛虛腫候歌

積聚脾中熱不通致令面赤口唇紅背高夜嗽

多腹脹休使流傳肺有風喉裏作聲涎上壅顛

門腫起熱來衝但教涼膈安靈府能使三朝速

有功

積有冷熱皆能作腫冷則糞白或酸臭氣衝入亦有

虫出食物皆不能化腹脹滿多困喉中亦鳴熱則多

渴糞赤面黃赤口臭亦虫出各看證調治須分水穀

去積并調氣冷則温脾胃熱則去其熱化涎止渴顛

隱則冷腫則熱鳳髓經宜
金華散

石僻經此候宜將時氣門中除濕散濃煎桑白皮湯

下

小兒形證此候肺熱生風涎鳴顛腫將白丁香膏一

二服或南星丸退傷寒變
疹門

秘要方兒生一月日內或顛門腫乃胎熱用黃蘗膏

塗湧泉穴如陷半夏膏塗手心此乃嬰兒腎受冷氣

邪干于心致令病生黃蘗半夏皆為
末冷水調貼

顛陷第四

巢氏兒顛陷下不平由腸內熱氣熏藏藏熱即渴引
飲而瀉利者即府藏血氣虛弱不能上充髓腦故顛
陷

聖惠兒藏府壅熱氣血不榮致顛陷生地黄散

生地黄

二兩

烏雞骨

一兩 酥炙黃

搗羅為末不計時粥飲調下半錢

以狗頭骨炙令黃搗羅為末雞子清調塗

天靈蓋炙黃羅為末生油調塗

滯頤第五

巢氏脾液為涎脾氣冷不能收制其津液兒多涎唾
流出滯漬頤下

真珠囊兒風冷入脾胃故令涎水常流

惠濟歌

宜葱湯丸取驚積門
銀白丸補慢脾風門

滯頤為患本因傷溜出清涎口角傷此患脾虛

寒胃口愚夫即道破涎囊終朝服藥全無效夜

卧流涎亦汗床洗肺更宜溫胃口脾元一壯自

安康

千金白羊屎內口中

東行牛口中沫塗口中及頤上

張渙溫脾丹

半夏一两生薑六兩同搗細炒黃

乾薑

白朮

青橘皮各半兩

丁香各一兩木香各一兩

搗羅細末蜜和如黍米飲下斗粒量兒加減

溫胃散

半夏白礬水浸炒黃 人參

肉豆蔻

白朮

乾薑

甘草炙各半兩

丁香一兩

搗羅細末每一錢水八分生薑二片煎五分食前

溫服

齒不生第六

巢氏齒骨之所終為髓之所養兒稟受腎氣不足髓不能充齒骨故久不生

千金翼溺坑中竹木正旦刮塗之

外臺雌鼠屎三七枚以一枚拭齒根處盡二十一日

齒生楊氏產乳方用三十枚雌鼠屎云頭尖楊云頭圓

聖惠齒不生或落不生

牛糞中黑豆二七枚小開去頭上皮以開處注齒
根時時用之効

張漢香附丹

大香附刮去皮

沉香各兩

檳榔

雄鼠糞燒

乾蟾燒各半兩

搗羅羊髓四兩煮爛和成膏如黍麝香湯下十粒

量兒加減

髮不生第七

巢氏足少陰腎經其華在髮兒稟少陰血氣不足即

髮疎薄不生亦有因瘡而禿者由傷損其血血氣損
少不能榮髮

千金楸葉搗取汁傅頭上立生

一葉中心搗汁

千金翼髮薄不生

先以醋泔清洗禿處以生布揩令火熱臘月猪胎

并細研鐵生煎三沸塗日三遍

外臺頭風烏喙膏髮速長而黑光潤亦治兒髮不生

烏喙

莽草

石南草

續斷

皂莢去皮子熬

澤蘭

白朮各二兩

辛夷人一兩

栢葉半升

猪脂三升

苦酒漬一宿以脂煎于東向竈釜中熱以筆先置

三堆土每一沸即下一堆土候沸定却上至三沸

共致土堆上三畢成膏訖去滓置銅器中數北向

屋溜從西端至第七溜下埋之三十日藥成刮兒

半頭日三塗大人數沐沐已塗

本草獸氣水主長毛髮以物于炊飴時承取沐頭髮

長密黑潤

圖經兒白禿髮不生搗榆皮末苦酒調塗

聖惠腦疔頭髮連根作穗落兼瘡白禿髮不生黑豆膏

黑豆

菘勝各三分

訶梨勒皮一兩

搗羅水拌勻內竹筒中以亂髮塞口用塘灰內煨

取油貯瓷器中先以米泔阜茨湯洗頭拭乾塗日

再十日髮生

又方

葛根末

猪脂

羊脂各二兩

入鉢內慢火熬成膏收瓷合中每一錢塗摩頭上

日再內野丸燒酒香外養合中第一發金氣血
白禿不生髮燥痛香鬻煎

陳香鬻

二兩

胡粉

一兩

猪脂

半兩

水一大盞煎香鬻取汁三分去滓入胡粉猪脂和

勻塗日再

嬰孺熊白塗

又煮雞子七個去白熬令汁塗

張漢受血氣不足不能榮髮不生名疢病非也菘勝

丹

菘勝

一合

當歸

洗

生地黄

芍藥

各一兩

胡粉

半兩

搗羅為細末研勻蜜和如黍黑豆湯下十粒兼化

塗量兒大小

下食髮黃第八

巢氏足少陰腎經血氣華于髮血氣不足不能潤悅

于髮故黃

千金翼方

臘月猪脂和羊屎灰蒲灰等分傅之三日一為取

刀刀斤書

卷六

三

黑止 蘇韻味平寒又前及善金斷之三日一為疽
安師傅方

破故紙不計多少銀石器中煬火炒圓為細末地
黃汁煎成膏丸菜豆大每服十五二十九盞湯送
下食前

金嬰 蟲胞第九

巢氏兒初生頭即患瘡乃至遍身其瘡有虫故名虫
胞
固隄張先生兒初生頭上便有瘡迤邐浸淫至體其

瘡有虫似從胞來名虫胞治法服去蟻虫等藥又洗
貼藥中藥虫之藥效

秘錄燒雞卵殼研和猪脂傳之

千金頭瘡方 此下皆能殺虫

胡粉 一兩 黃連 二兩

末之洗瘡去痂拭乾傳之差再發再傳

又方

胡粉 白松脂 各二兩 水銀 一兩 猪脂 四兩

合煎去滓內水銀粉調傳

苦參洗湯

苦參

黃芩

黃連

黃蘗

甘草

大黃

芍藥

茯苓

吹咀水六升煮三升漬布搗瘡上日數過

安師傳方

百部

雄黃

黃蘗

等分為末油調塗瘡上

鶴節第十

聖惠腎藏者神精所舍元氣所繫氣強盛則骨髓滿

溢故肌體充盛若血氣不足藏府勞傷真氣不守邪氣所侵則腎氣虛弱骨髓枯竭不能榮華故骨萎羸瘦

巢氏兒稟血氣不足即肌肉不充支體柴瘦骨節皆露如雀脚節

集驗補其本原氣體充盛肌膚盈溢補腎地黄丸

熟地黄

八錢 焙秤

山茱萸

乾山藥

各四錢

澤瀉

牡丹皮

白茯苓

去皮各三錢

為末蜜丸如梧子三歲以下三二丸溫水空心化

下
卷六

手拳不展第十一

聖惠兒在胞母藏府虛為風冷所乘兒生肝氣不足致筋脉攣縮不得伸展故手拳不展薏苡仁散

薏苡仁

三分

秦艽

防風

酸棗仁

微炒

甘草

微炙赤各半兩

當歸

微炒

桂心

各一分

為散每一錢水一小盞煎五分不計時服量兒加

減

羚羊角散兒手不展是風邪滯氣所客令榮衛不通

羚羊角

羌活

五加皮

白鮮皮

桂心

各一分

麻黃

半兩去根節

甘草

半分炙微赤

為散每服一錢水一小鍾煎五分量兒加減不計

時溫服

脚拳不展第十二

聖惠兒在胞母藏府有積冷為風邪所乘生後腎氣不足氣血未榮故脚指拳縮不展宜當歸散

當歸

微炒

麻黃

去根節各半兩

羌活

酸棗仁

微炒

人參

杜仲

微炙

桂心

各一分

刀斤書

卷六

一白

羅為散每一錢水一小盞薑少許煎五分量兒大

小乳前分減服

乾地黄丸

生地黄

郁李仁

湯浸去皮尖
微炒各半兩

牛膝

防風

桂心

海桐皮

羌活

白茯苓

薏苡仁

搗羅蜜丸如菜豆乳前溫酒下七丸量兒加減

張漢海桐皮散

海桐皮

牡丹皮

當歸

熟地黄

牛膝

酒浸各一兩

補骨脂

山茱萸

各半兩

羅細末每服一錢水八分葱白二寸煎五分去滓

溫服食前

語吃第十三

千金兒初生有連舌舌下有膜如石榴子中隔連舌

下後令兒言語不發不轉可搗斷之微血出無害不

止燒髮灰傳止

姚不摘
斷必啞

集驗語吃本心氣不足舌本無力故欲有言而舌不

能運有生而不吃兒相較吃諛謂學吃三日改吃三

年舌本無力可調以藥若積習而成急改為上初改
須詳緩
陳巖器鵠鴿主吃炙食之一枚差臘月得者主老嗽
明堂灸翳風二穴耳後陷中按之引耳中手足少陽
三會治耳聾口眼喎斜失欠脫頷口噤不開吃不能
言頰腫牙車急痛

通睛第十四 翻俗名

龍木論通睛外障初因失誤築打頭面額角兼倒壓
撲下令兒肝受驚風使目通睛宜牛黃丸犀角飲通

頂石南散効

牛黃丸

牛黃

白附子

肉桂

乾蝎

芎藭

石膏 各一分

白芷

藿香 各半兩

朱砂

射香 各少許

末蜜丸梧子大臨卧薄芎湯下三丸或化乳母忌
熱麵猪肉等

犀角飲

犀角 一兩

射干

草龍膽 各半兩

釣藤 三分

黃芩

人參

茯苓

甘草

遠志

各一分

為末散一錢水一盞煎五分食後溫服

通頂石南散

石南

兩一

梨蘆黃

分三

瓜蒂

五七箇

末每用一粳米許一日兩度通頂妙

惛塞第十五

巢氏人有稟性陰陽不和而心神惛塞亦有病而精采闇鈍皆陰陽之氣不足致神識不分明

肘後療人心孔惛塞多忘喜誤

七月七日取蛛蜘蛛網着領中勿令人知

又丁酉日密市遠志着巾角中還未服勿令人知

又牛馬猪雞心乾之末向日酒服方寸七日三

孔子大聖智枕中方

茯苓

人參

茯苓

各五分

菖蒲

二分

遠志

七分

末水服方寸七日三夜一

行遲第十六

巢氏兒自變蒸至能言隨日數血脉骨節備成臏骨
成即能行骨是髓養稟生血氣不足髓不充強故骨
不成數歲不能行

聖惠肝腎氣不足致骨氣虛弱筋脉無力故行遲

張渙兒周歲膝骨成能行父母氣血虛弱胎氣不強

骨氣軟弱筋脉無力不能行

寶鑑兒骨熱肺脉寒長不能行

顛顛兒自小傷抱脚纖細無力行立不得或骨熱疳

勞肌肉消瘦柴胡飲

柴胡

鼈甲

米醋塗炙

知母

桔梗

枳殼

去穰炒

元參

升麻

等分細剉三歲已下藥半兩水五合煎二合分二

服空心食前後忌毒物服後澡浴

澡浴方

苦參

茯苓皮

蒼朮

桑白皮

白礬

各半兩

葱白

少許

剉沸水二升浸藥一兩通與兒浴溫處避風

千金治數歲不行方

葬家未開戶盜食與哺日三便行翼云未開戶嬰
紀用經真五加皮末粥飲澹酒少許調一粟殼許日
三有風骨節不利者尤宜

聖惠兒十歲不行宜生乾地黄丸

生地黄

當歸炒微

防風

酸棗仁炒微

赤茯苓

黃耆

芎藭

羚羊角

羌活

甘草炙微

桂心

等分搗羅蜜丸如菜豆食前温酒下十丸量加減

益腎肝羚羊角丸

羚羊角

虎脛骨塗醋

生地黄

酸棗仁炒微

白茯苓

桂心

防風

當歸炒微

黃耆

搗羅蜜丸如菜豆食前温酒研五丸下

錢乙服一
皂子大温

水化日
三四

張渙麝茸丹

麝

茄茸酥炙

生地黄

當歸洗

黃耆

虎脛骨酥炙

各一两搗羅羊髓四两煮爛成膏和如黍乳前摩

沉香湯下十粒日三

良方在經丸治筋骨諸疾手足不隨不能行步運動

草烏頭生肉白者去皮臍

木鼈去殼

白膠香

五靈脂各三兩半當歸一兩

班猫一百箇去翅足少醋煮熟

為末黑豆去皮生杵粉一斤醋糊丸雞豆大酒磨

下一丸不魯針灸傷筋絡者四五丸必效十歲兒

一丸分三服此藥能通榮衛導經絡專治心腎肝

三經服後小便少淋澀乃其驗也

丁時發治大人小兒剝骨行步艱難脚無力續命丹

防風

乳香

蔓荊子炒

牛膝

麻黃

羚羊角

酸棗仁

草烏頭去皮

沒藥

白朮

茯苓各一分

天麻酒煮

胡麻炒

當歸

續斷各半兩

川烏頭去皮

黃耆各四錢

蒺藜半分

細末蜜丸小彈大每服一粒葱酒細嚼一日三五

服用後洗藥服藥三日方洗

草烏頭

當歸

地龍

木鼈

紫貝草

柶目

葱瀝

荆芥 各一兩

為末煎湯露脚指甲從上淋洗次用薰法

柴胡 草烏頭

赤小豆

吳茱萸

羌活

晚蚕沙 各二兩

末黑豆三升熱水泡少頃去黑豆入前藥煮盆盛

薰剉閃處令出骨中汗無力者亦依此

寶鑑灸兩足踝各三壯

語遲第十七

巢氏五歲有五聲心聲為言兒四五歲不言由在胎

時母卒驚怖內動兒藏邪乘于心不和 張漢舌本無力 至四

五歲不能言

千金論詳語吃門

聖惠舌本無力語遲為藥散

赤芍藥 一兩

黃耆 三分

犀角

檳榔

甘草 炙微赤 各半兩

搗羅每一錢水一小盞煎五分去滓量兒不計時

分減溫服

菖蒲丸治心氣不足舌本無力發轉不得亦云冷傷

少陰經故舌難發音至時不語

菖蒲

麥門冬去心

人參

黃連

各半

丹參

天門冬去心

焙各一兩

赤石脂

擣羅蜜丸如棗豆溫水研下五丸量兒不計時加

減服

張渙菖陽丹

菖蒲

一十九節者

遠志

去心

桂心

各三兩

酸棗仁

黃耆

人參

黃連

各半

擣羅蜜丸如雞豆服一二粒不時薑湯下

莊氏灸兩足踝各三壯灸心膻三壯在五椎下兩傍各一寸五分

龜胃第十八

聖惠龜胃者肺熱脹滿致胃高如龜又多食熱乳張渙乳兒常捏宿乳夏常洗乳掙捏去熱乳聖惠大黃丸治龜胃肺熱壅滯心膈滿悶

川大黃

三分

天門冬

焙

百合

杏仁

麩炒

木通

桑白皮

甜葶藶

隔紙

川朴

各半

擣羅蜜丸如菜豆不時溫水研五丸量兒加減
龜尿摩骨上差

灸兩乳前各一寸半上兩行三骨罅間六處各三壯
炷如麥春夏從下灸上秋冬從上灸下

莊氏取九家灰一斗盛簸箕中令兒合面印骨跡于
龜背從上當中及兩邊令三姓人同下火各于灰上

灸三壯棄灰河流或水中

龜背第十九

聖惠坐兒稍早為客風吹脊風氣達髓使背高如龜
錢氏肺熱脹滿攻于骨鬲即成龜背治以龜尿點節骨
辛又客風入脊髓俱成龜背治以龜尿點節骨
取尿法蓮葉安龜鏡照之即出

張渙松蕊丹

聖惠麻黃丸多為藥少
柴胡一多檳榔訶皮

松花

洗焙

枳殼

炒麩

防風

獨活

各一兩

麻黃

去根節

川大黃

炮

前胡

桂心

各半兩

擣羅蜜丸如黍粥飲下十粒量兒加減

聖惠灸肺俞心俞萬俞各三壯炷如麥

聖惠矣祖命以命萬命合三其

辭解密天賦泰微燄下十

來黃前附 蘇心

冰外味 蘇心

聚氣蘇丹 蘇心

頌尔志重蘇丹 蘇心

半又容風人蘇丹 蘇心

疑刃蘇丹 蘇心

幼幼新書卷第六容風知春風



